

法制

陸軍部規定陸軍官佐士兵卹賞表

階級	褒賞	陣亡一次卹金			陣傷致廢每年卹金			遺族每年撫卹金
		一等傷	二等傷	三等傷	一等傷	二等傷	三等傷	
大將軍		一千五百元	八百元	六百元	五百元	四百元	三百元	八百元
左將軍		一千二百元	七百元	五百五十元	四百五十元	三百元	二百元	七百元
右將軍		一千一百元	六百五十元	五百元	四百元	三百元	二百元	六百元
大都尉		九百元	六百元	四百五十元	三百元	二百元	一百元	五百元
左都尉		八百元	五百元	四百元	三百元	二百元	一百元	四百五十元
右都尉		七百元	四百五十元	三百五十元	二百元	一百元	五十元	四百元
大軍校		五百元	四百元	三百元	二百元	一百元	五十元	三百五十元
左軍校		四百元	三百五十元	二百五十元	一百二十元	八十元	五十元	三百元
右軍校		三百元	三百元	二百元	一百元	八十元	五十元	二百五十元
額外軍官		二百元	二百元	一百元	六十元	四十元	三十元	二百元

等 次

兩耳俱聾者

一手或一足殘廢者

生殖器損失或失去機能者

身體運動失去自由者

內臟之機能生大障礙者

三等傷

盲一目者

鼻脫落者

咀嚼言語機能有大障礙者

一手失去拇食兩指或三指以上者

一足失去四指以上者

頸及腰運動上有大障礙者

備

考

- 一 遺族每年卹金用以卹陣亡將士之父母子女該將士父母子女俱全者則終其父母天年若其父母及時逝世而該將士子女如年尙幼稚得接續受卹至其子女年及二十爲止
- 一 陣傷致廢每年各等卹金祇及該將士本身爲止
- 一 臨陣或因公受傷軍士除經赤十字會看護及有陸軍醫院省分歸院診治無醫藥費外其他偏僻地域無此項機關應由該管長官酌給醫藥費俾資調理

大總統據財政部呈送各部院三月分概算書咨參議院請議決文

據財政部總長陳錦濤呈稱據會計司案呈臨時政府公報二十八號內載本部呈請飭令各部辦理三月分應支款項編具概算書限期造送本部由部彙送參議院編成預算復於本年三月十一日奉大總統公布參議院臨時約法內開第十九條第二項參議院議決臨時政府之預算決算等語查各部院概算書業已陸續造送前來茲經本司詳細審查所有各部院於本月分應支經常臨時及預備等費冊內所列數目其務求樽節者固屬不少而從寬約計者亦居多數事關中央行政要需應即遵照臨時約法將各部支

出概算書呈請大總統咨由參議院議決後再行交部支出惟各部院成立伊始用度實繁紛紛來部請領者幾有日不暇給之勢應請咨會該院迅予裁決以便遵行等情查各部院三月分概算書支領各款爲數頗鉅籌措維艱第百端待舉既需款之孔殷而應付稍遲輒責言之交至統籌出入挹注無方至本部收入的欸向以全國賦稅爲大宗自光復以來各州縣經征欸項應劃歸中央政府者雖早經本部通電催解而各該省迄未照解前來以致收入亦無從概算本部專司綜覈盈虛酌劑責有攸歸但仰屋徬徨術窮羅掘募捐外債原非持久之謀整頓稅源難濟目前之急外省之解撥不至公產之收入無多舍此而外別求財源縱有孔桑何從着手實際此新政方興詎可因噎而廢食度支雖絀總期積極以進行錦濤等輾轉籌思深滋恐懼與其內外相睽坐以待困何如同心協力共濟時艱千鈞一髮繫於斯時惟有籲懇大總統令行各省都督念國計關繫之重諒本部籌畫之艱將應解部欸從速催繳其有不足應行設法彌補之處並請咨照參議院議定救急方法俾本部得所遵守而財政藉以維持實爲至要所有呈請交議各部院三月分支出概算書暨財政困難情形理合備文呈報敬祈鑒核施行再陸軍部月支概數

咨文一并錄送至該部三月分支出概算書俟交到時再行續送等由前來除照呈令行各省都督催繳應解各款外相應將概算書咨送貴院請煩查照速行議決咨覆爲要此咨

計咨送財政部呈交各部院三月分支出概算書一本抄錄陸軍部支出概算咨文一件



咨



司法部咨江蘇都督提江甯模範監獄舊存欸項文

案據模範監獄副典獄官王春生呈稱查江甯模範監獄坐落城內大石橋東共有房屋二百餘間建造多做日本制度及天津習藝所成規監房約可收留囚人五百餘名工場亦頗寬大建築費拾萬餘金後經張勳盤踞時房屋多被拆損卷物遺失目睹情形殊難措手嗣奉都督飭巡警局保護在案現擬擇要重加修葺非寬籌經費不可查該監獄經費係由前清江安糧道撥銀拾萬兩內以壹萬餘兩爲開辦時添置一切器具之用其餘尙存銀八萬餘兩全儲銀號以所得釐息作爲該獄常年經費等語當經本部批示以該

監獄存款係存何處銀號來呈并未聲叙無憑查追仰再查明具覆去後旋據該副典獄官呈稱查該監獄存款係於宣統元年五月十四日由江安糧道道庫大使徐瓚解赴裕甯官銀錢總局并未動用有前清總督案卷可稽惟查該官銀錢總局總辦勸業道李哲濬會辦丁乃澄業於光復前已經他往踪跡不知有該局總經理黃樹菴揚州人刻在上海後馬路拋球場如意里清理賬目其私宅現住南京城內竹竿里張姓門內等語除批示並命令外隨又飭派本部調查員周培懋楊象離會同前往黃樹菴處查問去後覆據呈稱竊副典獄官遵經會同大部調查員周培懋楊象離前往黃樹菴處查問此項存款據稱該款實存銀七萬九千五百八十七兩五錢七分惟裕甯官銀錢局賬目均已呈請江蘇都督現今正在清查各賬之時此項監獄存款將來有無撥還其權操在都督等因呈覆到部查監獄關係人民生命至爲重要現南京爲臨時政府所在地全國具瞻尤應亟加修葺以便改良而資表率該監獄既確有存款七萬餘金以固有之貲財乃作爲該獄改良之用度事關尊重人道主義諒貴都督亦表同情相應咨明貴都督請煩查照轉飭該裕甯官銀錢總局總經理黃樹菴照數解交到部以清官款而獄務無任企盼此

咨

大總統令南京府知事查明張瀛呈請調查飢民設局平糶情形妥辦

文

茲據張瀛呈請調查金陵各屬飢民情形發帑設立糶局等情查米價漲落民食攸關而米粒之屯積與夫運輸若果匱乏尤爲可慮亟應令仰該府知事一面查明金陵市面有無奸商市儉抬價居奇情事嚴行禁止一面察看地方情形應否設局平糶酌量救濟分別查明妥爲辦理是爲至要此令

計發張瀛呈請發帑開設糶局原呈一件

大總統令安徽都督查明上海裘業商會報告被匪擄劫追究懲處文
茲有公文一件應該都督辦理合就開由發交仰卽澈實查明究追懲處至要此令

計發公文一件

一上海裘業商會呈在皖境懷遠縣龍亢集地方被該處練總邵德進率領土匪劫船擄貨懇飭查辦由

大總統令江西都督速查九江商人鄭裕慶所開寶記銀號被封是否 冤抑秉公核辦文

民國革命所以去專制之淫威謀人民之幸福是故義師所至一面除暴即一面安良對於人民財產除果爲反對民國甘作虎俵及顯有侵吞虧欠官款確証外應予一律保護斷不忍有株連抄沒之舉而禍我生民縱使戎馬倉皇之日難免殃及池魚而承平以後即應設法挽救前經內務部頒發保護人民財產五條各省都督自應按照飭查分別辦理以盡保護之責該省九江府商人鄭裕慶所開設寶記銀號被封一案早經發交該都督查辦在案茲復據該商人呈訴冤抑莫伸迫再籲懇飭令查明揭封等情前來究竟該銀號是否有虧欠官款之確證該銀號以及鄭裕慶之財產應否并爲查抄何以久懸未辦合亟令行該都督迅速澈查秉公核辦以昭公道是爲至要此令

計發寶記商人鄭裕慶呈訴被封冤抑迫再籲懇飭查揭封以昭公允原呈一件

大總統批南京府知事辛漢辭職呈

呈悉任官惟賢本不限乎區域昨經內務部荐任該員接充南京府知事一職當經本總

統發給委任狀在案茲閱來呈以頻年游學在外於地方情形未能諳悉力辭今職該員學優而仕正宜爲父母之邦力謀幸福即使見聞偶有未周父老鄉人斷無有不竭誠相告者兼聽則明古有明訓何所容其顧慮卽赴新除展乃抱負所請辭職之處應毋庸議此批

大總統批上海裘業商會報告被皖境龍亢集練總邵德進率領土匪劫船擄貨懇飭查辦呈

稟悉如果所控非虛該商民等受累非輕邵德進不法已極仰候令行安徽都督澈實查明究追懲辦可也此批

大總統批潘月樵等請改良俗界教育呈

潘月樵夏月珊等啓導俗界開通社會一片婆心實堪嘉尙所請各節既經滬軍都督批准立案自無不合之處應准其開辦至於搶獲製造局有功自應受賞應稟請滬軍都督咨報陸軍部查核辦理此批

大總統批鄭裕慶爲商號被封冤抑再懇飭查揭封以昭公允呈

呈悉民國義師所至一面爲除暴卽一面爲安良倘非果爲反對共和甘作民賊及顯有侵吞虧空官款確証其爲人民財產應當一律保護豈容有株連抄沒之舉該案早經發江西都督查辦在案仰候令行該都督迅速查明秉公辦理可也此批

大總統批張瀛調查金陵各屬饑民情形請先發帑開設糶局呈

呈悉米價漲落民食攸關如有奸商市儉敢爲抬價居奇例應禁止至請設局平糶一節應看地方市面米穀果否缺乏方圖救濟仰候令行南京府查核辦理可也此批

大總統批財政部賦稅司司員鄧城瀝血代皖災民請命呈

呈悉江皖災民愁苦之狀本總統無日忘之前日經令財政部卽行撥款救濟昨又電知北京袁總統設法維持矣此批

交通部令各省郵局全國郵政歸郵政司司長直接管轄文

郵政爲交通機關本部成立以來卽首先組織郵政司薦任陳廷驥爲郵政司司長在案查郵政司爲管理郵政之最高機關該司長理宜直接管轄中華民國全國郵政事宜自令到之日凡中華民國郵政中西人員概歸該司長所節制此令

交通部令前清津浦鐵路南段購地局總辦汪樹堂呈繳開支浮冒款

項文

照得本部前派周璠赴滬清查津浦南段購地局帳目款項業經如數繳部點收不悞查該局造呈月支各冊九月以前開支各款尙徵實在自此而後南京因有戰事該總辦既移居上海購地局當停辦一切局用開支亦應同時停止而十月十一月間開具用款至有庫平銀二千六百二十八兩二錢四分四釐之巨本部殊難承認顧念從前戰爭時代自應從寬辦理兩月間准每月照五月份三百兩例加給銀二百兩兩月合計共成千兩一切開支包括在內已屬格外優容逾此外者計庫平銀一千六百二十八兩二錢四分四釐當責成該總辦如數繳出不得藉辭推托茲仍派周璠前往提取解部核辦是爲至要此令

司法部批籌辦南京監獄改良進行總會發起人孔繁藻等請立案呈稟及簡章均悉查改良監獄最爲文明各國所注意現當民國初建尊重人道主義尤應實行該員等研究有年熱心組織所擬該會簡章亦屬可行殊堪嘉許應准立案惟其中

間有未協者如一命名查該會既爲 查事實研究學理起見自應因義立名不宜定以範圍宜改總字爲學字或協字較爲適當又五職權辛交際部本會選任東西語言熟習之員任交際各事與萬國監獄改良會聯絡以爲加入同盟之地步等語一云選任一云加入同盟而未叙明赴會加盟之手續似與行政官廳權限不明仰即更正呈報後再予立案可也此批

司法部批中華監獄改良協會代表孔繁藻等請立案呈

稟悉既經更正仰即准予立案可也此批

司法部批法學士辛漢等請組織高級法院呈

呈悉南京爲首善之區該學士等所擬請組織上訴機關洵爲切要惟本部現已擬就臨時中央裁判所官職令草案呈請大總統咨交參議院議決後即可發表施行矣仰即知照此批

司法部批江甯地方審判廳廳長楊年報請備案呈

呈摺均悉該廳長既由前江蘇都督委任組織地方審判廳已經成立應即准予立案仰

卽勉盡職務可也此批

司法部批江甯地方檢察廳廳長劉煥請立案呈

呈摺均悉該廳既於光復之初由前江蘇都督委任組織成立應卽准予立案嗣後務督率各該員等認真供職可也此批

交通部批上海商務總會稱內河招商局被誣沒收一案呈

據呈已悉查內河招商局被各處沒收迭據各股東來呈業經本部咨請江蘇都督查明核辦在案查此案原因係由該局向有總辦等名目且受札委與公司體例不符雖係前清政治不良漫無界線而軍政分府不免因此生疑謂爲盛氏私產惟現在民國統一無論該局是否官辦是否盛氏私產既隸江蘇管轄範圍自應由行政統一機關確當審定辦法不能由軍政分府任便查抄候併案咨請江蘇都督一面命令各軍政分府民政長將所派調查員撤回以免紛擾并另派妥員前往各處調查持平辦理咨復到部核奪以昭公允而順商情除咨請外仰該商會轉飭知照此批

交通部批商民謝子修請聯合洋商籌設大海輪船公司呈

據呈及說略均悉該商擬聯合洋商籌設大海輪船公司專往來中亞歐洲各處所說利益七端及不與洋商聯合之窒礙均係經驗有得之言披牘之餘良深嘉許惟與洋商合股必須章程妥爲訂定乃不至有失主權該商自集之股本三十萬元尤必完全華股乃能名實相副且股本六十萬元能否足資周轉該商曾經預算否仰將合股招股合同章程妥爲訂定呈報核明自必准予立案提倡航政乃本部專責無不竭力保護樂觀厥成該商其妥慎以圖無任企盼此批

紀事

大總統追悼武漢死義諸烈士文

維中華民國元年三月十七日國民公僕孫文謹致祭于武漢死義諸烈士之靈而告以文曰

中夏不弔滿夷竊亂盜憎主人府尤叢怨豈曰無人摧仇奮患時不可爲熱血空濺乃及辛亥火中成軍武漢颺發胡虜土崩旣攻旣擊椽我弟昆雖椽我昆大功則成人生有死死有重輕死以爲國身毀名榮漠漠沙場烈骨所暴嶄嶄新國烈士所造千祀萬禩俎豆

馨香魄歸蒿鄉魂在帝旁伏維尙饗

交通部呈大總統已遵諭定製光復紀念郵票文

竊前奉大總統面諭速將中華民國光復紀念郵票印就發行以新耳目而崇體制茲本部已派郵政司司長陳廷驥與上海商務印書館訂立合同定印中華民國光復紀念郵票一千二百萬枚計實價銀一萬二千圓另製版費伍百圓一俟該印書館將郵票印就交部再行備文呈送鈞案並發交郵局應用此呈

財政部職員名單

承政廳

秘書長 沈式荀

秘書 梁 宓 虞熙正 張汝翹

參事 潘 敬 余成烈

收發員 許 國 李 瀚 李仲瑛

監印員 周宗澤

電務員 羅 棻 何遠曜

紀錄員 周宗澤 兼任

編譯員 唐之定

統計員 許 國 兼任

庶務員 黃壽松 李家驥 吳廣豫 譚 璣

收支員 黃仁適 孫光宇 劉弘毅

錄 事 段春湖 張自潔 唐勁中 金 飛 吳國泰 鄭寶仁 馮 軾

陳飛熊

會計司

司 長 錢應清

科 長 胡文藻 吳彤恩

科 員 周崇敬 盧重光 孫潤瑾 沙會詒 唐文晉 施鴻元 王 覺

錄 事 薛翔鳳 梁 傑 查德基 陳慶雲 茅企賢 孫脫兮

臨時政府公報

紀事

第四十三號

十七

庫務司

司長 陳同紀

科長 趙連璧 譚夔颺

科員 譚範模 黃體濂 馮裕芳 唐天說 李功照 雷祖煥 章若衡

潘定祥 唐之春

錄事 李竹銘 葉文治 黃仁瑞

鑛法司

司長 孫德全

科長 陶德琨 王君颺 楊蔭渠

科員 吳劍豐 張統驊 任壬 雷鳴震 孫德至 姚傳駒 楊延森

沈霖巖 顧光勛

錄事 雷銘南 陸吟生 胡書麟

賦稅司

司長 陸定

科長 楊汝梅 何福麟 胡鳳變

科員 周棠 梅蔭湘 陳桐 許汝霖 屠文溥 李仁炳 殷紹成

張振鈞

錄事 周厚吾 鄧城 徐雲鶴 吳山齋 周愷

公債司


司長 徐恩元

科長 盧學溥 王世澄

科員 李光啓 溫綸訓 徐璠 秦以鈞 陳邁 鄭志和 鄭家斌

梁耀宗 范祖純

錄事 顧鹿



臨時政府公報 附錄

中華民國元年三月二十日星期三

隨報附出 不另徵費

電報

孫大總統鑒烈鈞無似既卸北伐之師正擬趨侍左右冀備指揮乃轉奉諭飭歸督轅以鈞薄才實難勝任惟爲國利民福起見敢不勉盡其愚爲國馳驅尙祈時頒教言俾免隕越則鈞與吾贛三千萬人實拜君之賜歸舟過潯謹行電告諸維鑒察李烈鈞叩寒

(九江來電二十三)

袁大總統孫大總統實業部長張鈞鑒前奉總統來電以江北災情甚重已籌款發交張總長分別辦理惟現在清淮一帶飢民鬻集餓尸載道穢氣散於城郊且恐霉爲瘋疫當此野無青草之時實有朝不保夕之勢覩死亡之枕藉誠疾首而痛心現雖設有粥廠暑濟燃眉無如來者愈多無從阻止粥廠款項不繼勢將停止半月內無大宗賑款來浦接濟則飢民死者將過半卽糜數百餘萬之鉅款亦不能重起餓殍於九原令其受賑爲此

情急瀝血電陳可否仰求總統總長俯念災民垂鑿急救目前無論何處迅撥數萬金由
總長派員經理其事俾飢民得暫緩須臾之死待夏秋之成雁行不勝迫切待命之至江
北蔣雁行叩咸

(清江浦來電二十四)

袁大總統陸軍部首領軍界統一會南京孫大總統黃陸軍總長鈞鑒南北統一大局粗
定惟兵多餉少已成通病遠議裁撤後患實深胡經武君主張移兵屯邊與鄧見頗相吻
合惟非倉卒所能辦到曩嘗涉歷淮上頗知該處患水之原因前此張季老導淮之議實
爲百年大計然至今尙未果行揚郡有兵三萬戰事停止月糜巨金在地方已羅掘俱窮
在中央亦猝難接濟擬即寓兵于工行導淮入海之義竊嘗計之其利有三餉不虛糜兵
有所事利一湖田濶出兵可爲農利二兵多淮產兼嫻工作利三有此三利但使江淮水
利公司籌有半款即可會同開辦預計竣工時期亦必迅速頃已電商江蘇省議會公決
兩大總統及諸公皆關心民瘼不日政府成立位置軍隊必第一問題除各處軍隊應由
政府核議通飭遵行外所有鄙見以兵代工藉濟燃眉之策是否有當敬希鈞示核奪俾
便遵行倘蒙核准卽由寶山就近協商江淮水利公司沙君元炳按照實行無任盼禱江

北第二軍司令長徐寶山叩寒印

(揚州來電二十五)

孫大總統鈞鑒刪電敬悉此次民國成立凡我同胞悉脫專制之羈絆享自由之幸福實惟我公先知先覺數十年提倡經營之力茲更功成不居奉身行退仰見廓然大公超越千古景佩高風五體投地惟現當過渡時代南北各軍驕縱恣肆時有所聞安危呼吸千鈞一髮尙乞顧念大局電商袁大總統設法鎮懾並與同時起義諸君子合力維持實爲萬幸倪嗣冲叩銑

(潁州來電二十六)

孫大總統陳財政總長鑒院孫都督刪電請迅撥堤工款項等情此時外款尙未借定京庫支絀萬分當俟籌定再行電聞如尊處暫能設法尙希卓裁辦理袁世凱諫

(北京來電二十七)

孫大總統參議院鑒培等昨晚抵漢口卽赴武昌謁黎副總統報告在北京經過事件今夕乘金陵輪船赴南京謹聞元培兆銘咸

(漢口來電二十八)

各省衙門均鑒本日臨時大總統命令特任唐紹儀爲國務總理此令臨時大總統令方今民國初基政治之源首在任用賢能請陶弊竇近歲以來是否倒置黜陟不公致鑽營奔競之風大開謹厚者或貶節以求全巧滑者益趨炎而忘恥官方既素職守全墮傾覆

之由多在於此此等惡習自應痛加澗洗務絕根株爲此通諭百僚須知凡屬官員皆係爲民服務官規具在莫不負應盡之責任而無特別之利益何得存非分之希冀而作無謂之營求况佐治需才果有專長奚患淪棄自今以往該管長官毋得以好惡爲取舍喜怒爲進退如有此等情事屬員准其申訴倫屬員對於長官再有鑽營奔競情事必當重於懲戒以肅官常維我同官各宜精白乃心束身自愛毋負本總統殷殷告戒之意此令
京元印

(北京來電二十九)

孫大總統暨陸軍部黃總長鑒自總統受任南北統一振黃幸逢斯盛可以釋負自應將皖蕪軍政分府名義取消統歸皖省孫都督節制今總長不以鴛材見棄委任軍事顧問茲孫都督又加委任皖省軍政司材淺能鮮何堪當此重任無如慰諭懇懇責以桑梓大義只得勉爲其難專此電聞新委軍政司正長吳振黃叩

(蕪湖來電三十)

孫大總統鈞鑒前爲鎮江食米弛禁輪船紛紛往運恐出口太廣滬米亦受影響是以電請禁止輪運茲據甯波紳商派代表到會聲稱糧儘數日民情恐慌鎮江禁口來源盡絕請轉電懇准予帆運等語輪運帆送本有區別輪運恐轉輸外洋帆運乃接濟內地勿禁

帆運實卽此意據稱前情應懇轉飭准予帆運以濟民食一面仍由該紳商稟請地方官給照起運免滋流弊上海總分商會公叩銑

(上海來電三十一)

各都督各報館均鑒頃得京津保電京津保秩序業經恢復袁公行總統受任式後人心大定滄州潰兵亦聞風懾服北方各省鎮靜如常民國大局安固無虞屢承各地電詢情形用特電聞胡瑛叩寒

(烟台來電三十二)



告白

總統府秘書處廣告

現於本府東西柵門外設立揭示處凡來本府投遞呈件者分別事項量予批答揭示該處以三日爲限過期揭去嗣後凡來本府投遞呈件人等希一體知照總統府秘書處白

中華民國實業部附設實業公報簡章

本報爲中華民國實業部之機關報故名曰實業公報

本報以宣布實業法令灌輸實業學識爲宗旨

本報暫定門類如左 (無則姑闕)

甲 圖畫

乙 法令

丙 著論

丁 譯述

戊 調查

己 電報

庚 紀事

辛 雜錄

本報為發展全國實業起見凡外來文稿於實業有關係者當擇要登載酌量酬謝未登者恕不奉還

本報月出一冊於每月十五日發行

本報每冊暫售大洋一角五分（外部郵費照加）

本報代登各種實業廣告酌量收費

凡與實業有關係之各官署局所學堂公司皆有購閱本報之義務但各官署具印文請領者照五折徵費實業學生聯名請領者十份以上八折五十份以上七折百份以上六折

外交部廣告

本部於三月二日遷鼓樓前獅子橋所有電報公文各項函件依按址投遞爲盼

教育部收買古籍廣告

本部現擬籌設中央圖書館應儲書籍甚多各處如有古籍願出售者除星期外請於每日下午三時至五時持樣本至南京碑亭巷本部接洽如合意者本部當給以相當價值

教育部通告

本部現因學校令尚未頒布故於辦理學校之人到部呈請立案者一概從緩批准誠恐外間或有誤會爲此登報聲明嗣後學校經本部批准立案者必以登載公報有准予立案字樣者爲憑此布

臨時政府公報局告白一

各省官廳所有暫行條例命令及職員之任免遷轉等項均希隨時抄送本局其地方自治團體辦理公共事業如道路衛生醫院學校救貧等項之經過及其成績亦可隨時抄送本局登載公報藉覘地方之情況而彰民治之精神

臨時政府公報局告白二

各處有願爲公報販買所者可將領報份數及販買區域本人之代名年齡職業住所及販買章程呈送本局核定並須酌交保證金其保證之金額由局長定之

臨時政府公報局告白三

嗣後各處定閱本報者須將報費逕寄總統府內臨時政府公報局由本局掣取收條卽飭發行所照寄空函定報概不答覆



本報暫定期例

- 一 本報爲臨時政府刊行故定名爲臨時政府公告
- 二 本報以宣布法令發表中央及各地政事爲主旨
- 三 本報暫定門類六曰法制曰咨曰令示曰紀事曰抄譯外報曰雜報其
子目見前
- 四 本報日出一冊如遇國家紀念日星期日政府停止辦公時本報亦休
刊一日
- 五 政府對於各地所發令示或宣布法律凡登本報者公文未到以本報
到後爲有效
- 六 凡各官署皆有購閱本報之義務唯具印文請領者皆照定價五折徵
納餘另詳前價目表

本報白

本報局設在大總統府內

總發行南京花牌樓太平街四號

分售處南京花牌樓吉祥街印鑄局工廠發行所

南京中華報

南京中正街昇平橋易安精舍

外埠經售處

鎮江 興漢日報

常州大街老王大昌

無錫光復門內新橋二十一號會瑞武

蘇州城內因果巷四十一號許宅

上海 民立報

大共和報

時報

申報

新聞報

天鐸報

時事新報

啓民愛國報

神州報

上海寶善街公順里仁和號

民立報分館

中國日報

軍事報

民意報

大同報

中西報

少年報

自由新報

檀香山

舊金山

天津

香港

廣州

蕪湖

印刷所 臨時政府印鑄局工廠